



Broj: 11-01-38-17382-24/15
Sarajevo, 08.10.2015. godine

Na osnovu člana 64. stav (1) tačka a) i člana 70. stav (1) (3) i (6) Zakona o javnim nabavkama („Službeni glasnik BiH“ broj: 39/14), na preporuku Komisije za javnu nabavku računarske opreme za potrebe Ministarstva za obrazovanje, nauku i mlade Kantona Sarajevo putem konkurentskog postupka (Zapisnik o pregledu i ocjeni ponuda broj: 11-01-38-17382-20/15 od 08.10.2015. godine, ministar za obrazovanje, nauku i mlade d o n o s i:

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javnu nabavku računarske opreme za potrebe Ministarstva za obrazovanje, nauku i mlade Kantona Sarajevo putem konkurentskog postupka za nabavku računara za potrebe Ministarstva za obrazovanje, nauku i mlade - LOT 1 i dodjeljuje se prvoplasiranom ponuđaču „R&S“ d.o.o. Sarajevo, prema dostavljenoj ponudi broj: 11-14-26490/15 od 07.10.2015. godine u ukupnoj vrijednosti od: 48.280,05 KM.

Član 2.

Prijedlog ugovora dostavit će se na potpis izabranom ponuđaču po isteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude.

Izabrani ponuđač je dužan dostaviti dokaze o kvalificiranosti u roku od 3 (tri) dana nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa tenderskom dokumentacijom.

U slučaju da izabrani ponuđač propusti da dostavi dokaze o kvalificiranosti u navedenom roku ili dostavi neprihvatljive dokaze, ova odluka će se poništiti.

Član 3.

Ova odluka objavit će se na web stranici ugovornog organa, <http://mon.ks.gov.ba>. istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke putem konkurentskog postupka, broj: 11-04-14-17382-1/15 – Nabavka i isporuka računara, računarske i ostale opreme za potrebe Ministarstva za obrazovanje, nauku i mlade Kantona Sarajevo. Javna nabavka je provedena putem postupka: Konkurentski zahtjev za dostavu ponuda. Podijeljena je na tri LOT-a. LOT-1 predstavlja nabavka 35 računara za potrebe Ministarstva. Procijenjena vrijednost javne nabavke LOT-a 1 bez PDV-a iznosi 41.500,00 KM. Za predmetnu nabavku objavljeno je obavještenje o nabavci na portalu javnih nabavki pod brojem 5774-7-1-7-3-3/15 dana 23.09.2015. godine u 14,11 h kao i Ispravka za obavještenje o nabavci objavljena na portalu Agencije za javne nabavke dana 23.09.2015. godine.

U skladu sa Pravilnikom o nabavci roba, vršenju usluga i ustupanju radova, odnosno provođenju postupka konkurentskog zahtjeva sa dodatnom objavom obavještenja na portalu javnih nabavki, Komisija je dostavila pozive sljedećim ponuđačima: 1. "BBS" d.o.o. Sarajevo; 2. "ComTrade" d.o.o. Sarajevo; 3. "GODIMERC" d.o.o. Sarajevo; 4. "MMCC" d.o.o. Sarajevo; 5. "Computers PLUS" d.o.o. Sarajevo; 6. "IMTEC" d.o.o. Sarajevo. Sljedećim ponuđačima, na njihov zahtjev, je dostavljena tenderska dokumentacija: 1. "AvaCom Group" d.o.o. Mostar; 2. "Exclusive" d.o.o. Sarajevo; 3. "CSC" d.o.o. Sarajevo; 4. "Facit" d.o.o. Sarajevo; 5. "Defter" d.o.o. Sarajevo; 6. "ASBIS" d.o.o. Sarajevo; 7. "R&S" d.o.o. Sarajevo 8. "Default" d.o.o. Sarajevo; 9. "PRINTEX" d.o.o. Sarajevo. Rok za dostavu ponuda bio je 07.10.2015. godine do 11,00 h.

U predviđenom roku i uredno u zatvorenoj koverti, dostavljene su ponude za LOT 1 sljedećih ponuđača:

Red.br	PONUĐAČ
1.	PRINTEX d.o.o.
2.	Exclusive d.o.o
3.	GODIMERC d.o.o.
4.	R&S d.o.o.

U skladu sa Odlukom o pokretanju postupka, za provođenje postupka javne nabavke putem konkurentskog postupka za nabavku računara, računarske i ostale opreme za potrebe Ministarstva za obrazovanje, nauku i mlade Kantona Sarajevo, formirane Rješenjem, broj: 11-04-14-17382, od 10.06.2015. godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, a kako je traženo u Konkurentskom zahtjevu. Zapisnik o pregledu i ocjeni ponuda broj: 11-01-38-17382-20/15 od 08.10.2015. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda za LOT 1 četiri (4)
- da je blagovremeno zaprimljena ukupno četiri (4) ponude
- da nema neblagovremeno zaprimljenih ponuda
- da prispijele ponude ponuđača „PRINTEX“ d.o.o., „R&S“ d.o.o. i „Exclusive“ d.o.o. ispunjavaju formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa
- da se ponuđač „GODIMERC“ d.o.o. Sarajevo eliminira iz daljeg postupka evaluacije najbolje dostavljene ponude za nabavku računara, jer je utvrđena tehnička neusaglašenost ponude firme GODIMERC d.o.o. Sarajevo po traženoj konfiguraciji u tenderskoj dokumentaciji. Naime, u tenderskoj dokumentaciji (obrazac za cijenu ponude – Prilog br. 2) tražena konfiguracija računara za LOT 1 treba imati minimalno 8GB RAM memorije, a u dostavljenoj ponudi firme GODIMERC

d.o.o. ponuđeno je 4GB RAM memorije. Također, traženo je da konfiguracija računara za LOT 1 sadrži minimalno 1 TB HDD, a u dostavljenoj ponudi firme GODIMERC d.o.o. ponuđen je kapacitet od 500 GB HDD.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji u cijelosti se prihvata Zapisnik o pregledu i ocjeni ponuda.

Tabelarni pregled pristiglih ponuda – rang lista prihvatljivih ponuđača za nabavku i isporuku 35 računara za potrebe Ministarstva za obrazovanje, nauku i mlade Kantona Sarajevo jeste:

R.b r.	PONUĐAČ	Ukupna cijena na javnom otvaranju KM (sa PDV-om)		Rok isporuke		Način plaćanja		UKUPNO bodova
1.	PRINTEX d.o.o.	50.522,06	66,89 bod	7 dana	2,85 bod	38 dana	2,10 bod	71,84
2.	Exclusive d.o.o.	48.597,41	69,54 bod	3 dana	6,66 bod	90 dana	4,97 bod	81,17
3.	R&S d.o.o.	48.280,05	70 bod	1 dan	20 bod	181 dan	10 bod	100
4.	GODIMERC d.o.o	48.280,05	Isključen iz postupka zbog tehničke neusaglašenosti ponude					

U skladu sa kriterijumom “ekonomski najpovoljnije ponude”, **ugovor se dodjeljuje ponuđaču „R&S” d.o.o. iz Sarajeva u ukupnoj vrijednosti nabavke sa PDV-om 48.280,05 KM.** Za predmetnu nabavku će se zaključiti ugovor.

Pouka o pravnom lijeku: Svaki ponuđač koji ima legitimni interes u predmetnom postupku javne nabavke a koji smatra da je ugovorni organ u toku postupka prekršio jednu ili više odredaba Zakona o javnim nabavkama ima pravo priložiti žalbu u pisanoj formi u roku od **5 (pet) dana** od dana prijema ove odluke u skladu sa članom 99. Zakona o javnim nabavkama ("Službeni glasnik Bosne i Hercegovine" broj 39/14).



MINISTAR

Prof. dr. Elvir Kazazović

Prilog:

1. - Zapisnik o pregledu i ocjeni ponuda broj: 11-01-38-17382-20/15 od 08.10.2015. godine

Dostaviti:

2. Svim učesnicima u postupku
3. Ministarstvu za obrazovanje, nauku i mlade
4. Komisiji za provođenje postupka javne nabavke
5. a/a



web: <http://www.mon.ks.gov.ba>

e-mail: mon@mon.ks.gov.ba;

Tel: + 387 (0) 33 562-128, Fax: + 387 (0) 33 562-218

Sarajevo, Reisa Džemaludina Čauševića 1

